


乾嘉詩文名家叢刊

張寅彭 ● 主編



姚 蓉 鹿苗苗 孫欣婷 點校

# 郭麐詩集

下

人民文學出版社





## 卷六 戊子

### 老復丁庵集

#### 短歌呈聽香審庵

老色上面歡去心，六十二翁衰病侵。天生此老未相度，不鐘鼎又非山林。年年渡江逐旅雁，遑憂懷息淹至今。稻梁稀薄伴侶少，江湖迢遙風雪深。人春十日寒尚沍，排檐冰柱森如簪。畏寒瑟縮龜入殼，頭見朝日始出衾。龍鍾如此亦安用，待築文冢種書蟬。江兄汪丈年長我，負疾不死天可諶。河上之歌憐同病，請徹呻吟痛爲長吟。

#### 人日寄子履兼懷種水

椒辛菜細論風物，荼苦香清慰寂寥。人事還隨日共出，名心久與雪俱銷。世因老去多相棄，君自

能來不用招。更憶南湖曹處士，草堂花發舊長條。

子履作續人日之會分詠庭前花木得紫藤以涉七氣已弄分韻得弄字

春風如故人，將來喜先送。欣欣凡草木，含意久欲貢。桃李嬉陽和，松筠耐霜淞。觀化亮有然，物理孰爲洞？紫藤走長條，婁絡穿石空。低爲瓔珞垂，高欲闔闔玃。當其張王時，濃綠暗如夢。櫻桃謝鶯含，葡萄慙馬潼。千絲步障圍，百鳥笙簧哄。祇今雖回春，冰雪困餘凍。多煩灌園人，汲井勤抱甕。吾儕得相逢，酣飲豈辭痛。題詩亦漫興，託物非有諷。誰能紫雲迴，玉笛邀快弄？

有感

新霽初乾雪後泥，看人壺榼遠提攜。松枝處處濡春露，麥飯年年愧夏畦。昔日辛勤望成立，祇今老大尚東西。澄湖港水湖灣路，歸及原頭綠草萋。

讀晉書樂府八首

面覆牀

石文炳然大討曹，夢中三馬共一槽。天生老姦豈無意，爲漢復讐殄魏祀。子元子上遂狼伉，不殺

賈充殺成濟。園陵宗社沉雒陽，問開基事面覆牀。若如公言安得長，踰垣兵入戕內房，不及山陽公與陳留王。

### 蝦蟇問

南風吹沙馬子死，華林園裏鼃聲起。干戈骨肉各逞忿，爲官爲私君不問。嵇侍中血語可哀，蝦蟇之問何其猷。蝦蟇給廩民肉糜，瓦盆麤飯長苦飢。

### 府公錄

軍中忽失大都督，黃鉞綖幢身被錄。大兒斃金鐘（二），小兒困枯木。府公南面聲色厲，師耶昭耶定誰是？既惑吾子亂吾孫，數世可知國亦替。賈梁道，魏忠臣，有子乃以國輸人。當年爲崇不殺子，留取覆亡司馬氏。

### 折翼誣

庾元規拜陶士行，爾時尚復崇虛名。王茂宏求蘇武節，江左夷吾有慙色。起家寒門作小吏，格天大業皆自致。後有溫太真，前有劉和季。忠誠歷歷史所書，八翼之折毋乃誣？王謝家兒皆佐命，後人尚有彭澤令。

負良友

周伯仁，戴若思，不爲三司則殺之。當時默然無一詞，今年殺賊印如斗。伯仁之死正坐口，流涕冥冥負良友。負友負國爾何意，始終自作家門計，不見開門周札請賜諡。

餘杭令

阿黑老作賊，尚能正國典。溫也姦過之，乃以一死免。中朝名士謝與王，暫緩九錫幸其亡<sup>(二)</sup>。當時無人正厥罪，遂令靈寶還披猖。謝石何必貶，殷浩何足褒？藉此伸主威，陳義良已高。髯參短簿徒豪橫，千秋愧爾餘杭令。

投鞭斷

略計精兵九十萬，投鞭足可江流斷。天心未肯一輿圖，裙屐兒郎誇靖亂。燕秦兩氏皆英雄<sup>(三)</sup>，堅頭綽有魏武風。不知司馬何德澤，乃以正朔推江東。用王猛，誅樊世，不殺慕容垂，居然帝王事。流俗紛紛論成敗，不及老胡笑孤媚<sup>(四)</sup>。

捫蝨談

貨畚賣蒿高父老，謝公拜，捫蝨談，高官督護請俱南。此間自可致富貴，汝與桓溫豈並世？山中  
之師定何人，吾意龐公一流是。嗚呼張賓謝艾亦人豪，奇哉皆不生中朝。

【校記】

〔一〕「鐘」，許增本作「鍾」。

〔二〕「暫」，底本作「慙」，據許增本改。

〔三〕「氏」，許增本作「氏」。

〔四〕「狐」，底本作「孤」，據許增本改。

子履見題老復丁庵集次韻奉酬一首

春光歲歲來誰邊，忽然去我如逝川。羈臣遷客倍悵悵，蜚鳥向越馬首燕。老來更覺交遊寡，兒輩輕肥自裘馬。逃名挫廉豈能然，可憐亦是悠悠者。魯仲連稱天下士，拂衣欲蹈東海水。平原妄意壽千金，世不相知有如此。入林不密山不深，乃爲俗物所監臨。猶餘一事差慰意，千秋風雅容闕尋。箏琶登場笙笛聞，囊中政有南風琴。重華不作夔曠杳，睪然坐覺九州小。此聲此耳爲誰傳，一默任渠窮百巧。大風琅琅胡爲來，恍如置我凌歊臺。眼前草木增氣勢，怒出鱗甲乘風雷。太息今人不如古，淺嘗那得知甘苦？蓬蔕漫學西家顰，狼籍爭夸京兆嫵。和凝百卷足諍癡，陽五一編供笑侮。天孫自有九張機，貧女但工五雜組。君爲我歌我起舞，古調雖亡端可補。牛渚磯邊月滿空，飯顆山頭日卓午。春風來吹客子衣，王孫游子何不歸？江南千里空極目，芳草自綠瀟湘湄。畏寒堆堆坐硯北，江草江花渾未識。得詩聊復展眉頭，人道朝來有黃色。說經橫舍何觥觥，餘力尚主騷壇盟。我如屈完已聽命，敢

說漢水誇方城？慎勿築室兼返耕，飛矢在上人行成。

二月一日作

一春將半過芳時，擁褐終朝坐若癡。書課稍添知晝永，酒懷漸減愛杯遲。仍煩劉晏籌輪輓，終見陳湯斬郅支。世事休論且一笑，木蘭花發要新詩。

白羽

白羽雲屯合，紅旗露布馳。喜聞禽頡利，不比獲青宜。苞已刊三檠，威仍守四夷。屯田與列障，廟算亟乘時。

次韻和芥航河帥喜聞張格爾就禽四首

天威遠震海西隅，蠢爾兇渠敢放顛。獬豸雖煩師六月，鬼方那用克三年？可知神武同高廟，豈知明靈比漢宣？麟閣雲臺待圖畫，一時想見面如田。

絕塞窮冬朔雪飛，出師慷慨賦無衣。一宵竟縛吳元濟，百戰奚須劉武威。偶漏吞舟知網大，終焚

頑石見山輝。傳聲屬國諸酋長，不用屯邊更合圍。

苞蘖潛狙已幾年，是誰玉帳領中權？如何都護安西地，更費軍興少府錢。鵬鶚三秋窮遠勢，貔貅萬竈宿炊煙。請看偃伯靈臺後，會有恩言下日邊。

清時原少吏催租，水旱猶聞庚癸呼。劉晏即今通轉漕，宏羊敢復議均輸？洗兵已挽長河水，籛俊仍開四達衢。從此修羅銷戰伐，諸天歡喜各牀敷。

### 口號八首

正月已破二月來，已過驚蟄未聞雷。莫怪老翁門不出，少年亦是坐堆堆。  
薄寒中人忽驟暖，連日吹殺東南風。老夫略識天公意，未遣弊裘藏篋中。  
柳芽未抽草木茸，更問桃李白與紅。寄語從軍莫言苦，玉門今日有春風。  
大雪何人人蔡軍，致令力士仆碑文？聖朝遠邁元和德，列爵先酬相度勛。  
中天萬里縣威弧，一時淨掃妖氛無。扶持自有神靈在，不待昭陵石馬趨。  
屯田湟水從充國，鳴劍伊吾謝玉關。莫謂漢家無上策，但教票騎勒燕山。  
右臂匈奴是昔時，廓然無外更何疑。不知已縛鬼章了，可有東坡上便宜？  
漢世爲郎亦人貲，不更簪裏又當時。問他一例武功爵，誰是馬卿張釋之？

食西施乳

滑愛流匙美人脣，塞酥村俗豈能鄰？佳人自昔曾傾國，尤物從來不殺人。河豚有毒，惟此無忌。題品漫言嶺表荔，風流合配五湖莼。春來未得加澆字，盼斷江頭六六鱗。

餅中插海棠有感

千金難買一嫣然，下蔡危城直幾錢？喚起卅年春夢影，粉痕著枕暈連權。  
一滴生紅一滴春，祇愁風雨便成塵。放翁行作稽山土，難忘當年照影人。

題周東村田家卷子

吳中畫手推唐寅，問誰師者爲周臣。冰寒藍青評雖有，當其至處亦絕倫。此圖純用宋人法，筆意直與馬遠親。平疇淺港有遠勢，斷岸大石無多皴。江鄉風景宛在目，展卷令我歎息頻。吾鄉瀕湖宜杭稻，八九月交可食新。高田不旱下不潦，晚禾未刈蚤已薪。爾時婦子各從事，腰鎌肩擔來莘莘。穰穰出牆大於屋，碌碌碾地平如銀。堂前老翁鬚鬢白，映檐白醉時頻申。樹底牯牛亦閑臥，如功臣老得乞

身。參差茅屋排魚鱗，東阡北陌通婚姻。胥疏江湖嗟久矣，欲歸未得長逡巡。瓶中未有隔宿米，恨不早作扶犁人。唐生周生跡已陳，翰墨不救生前貧，聞我此詩應愴神。

### 和人莫愁湖感興

一代開基此帝都，六朝舊物賸明湖。舟人漁子占浦潏，嵐翠煙光皆畫圖。天下英雄今在不，閨中少婦有愁無？卅年裙屐登臨地，太息知交各已徂。

### 無錫道中

陰陰新綠午雞聲，漫漫春流拍岸平。十里輕風兼細雨，江南真是可憐生。  
漳濱無復劉郎臥，鑑曲難尋賀老狂。人物百年銷歇去，獨留老眼與迴腸。  
謂美初。

### 次韻竹西見簡二首

一牛鳴地抵由旬，遣僕傳詩意更親。笑我暫歸同結夏，聞君臥病送殘春。閒隨元子稱聲叟，老怕公孫比惡賓。通家子辭事不造謁。各有叢書門兩版，固應唐述未知津。

衰暮難爲烈士心，可知後定不如今。是中有鬼容高臥，君方病足。與世相忘且陸沉。井不波瀾能百尺，木因擁腫到千尋。清狂雅願聞吳語，惆悵翻憐似越吟。

荳鄰方伯新建梁高士祠徵詩爲賦一首

西湖祀林逋，肇端坡公詩。奇哉高士祠，鄙人先發之。去歲爲方伯作滄浪亭詩，末章及伯鸞墓，有「願公甄祀典，蕉荔與升堂」之句。談言微中竊自喜，事會遭逢皆如此。生時賃廡死食廟，不爾那知天下士？要離冢與專諸墓，圖謀微茫不知處。高人烈士千秋心，何用一抔華表樹？高人之裔長樂公，方伯連帥來吳中。妥靈揭虔建祠屋，要令末俗還古風。聖欲居夷賢避地，適魯游吳同意。吾州真有尚賢人，杵臼之間識椎結。未央宮闕何遼遼，雲臺將相甲第高。風煙磨滅香火斷，敢與羈鬼爭谿毛。淮壩遊子歸來乍，讓王門外帆初卸。喜聞俎豆一時新，手酌寒泉拜階下。問說皋橋有泰孃，靈談鬼笑莫登堂。請歌河女神弦曲，來試吳兒木石腸。

周東村漂母圖

舉世皆亭長，方知此媼賢。王孫窮道左，年少笑橋邊。折券酒家負，投金瀨水船。千秋丈夫淚，霑灑畫圖前。

即感 五月一日

衰髮刁騷不滿巾，歌離哀逝感茲辰。榴花豈爲紅裙妬，芳草偏於玉骨親。往日夢中餘恨事，有人地下亦傷春。段家橋北西陵水，雪落楊花盡化蘋。

苦雨二首

漠漠復紛紛，疑朝不辨曛。鑪煙罨雲氣，檐滴織幃文。開闔書一卷，醉醒酒半醺。明朝思吊屈，筵卜問靈氛。

曼衍魚龍戲，蒼茫風雨秋。猶傳荆楚記，不盡古今愁。茂苑城如畫，闔門瓦欲流。此時玉溪老，寂寞感高樓。

題張芑堂畫蘭

湘水瀟煙入渺茫，風苗露葉任低昂。瓣香未覺風流盡，絕似春波老侍郎。穠石君所師法也。  
遺文金石與誰論，石鼓亭荒墨妙存。圖裏春風吹不到，也同宿草認陳根。

題程序伯庭鷺畫山樓圖即用見贈韻二首

卅年欲築翦淞閣，路絕風雲無與通。羨爾家人入圖畫，愛憑闌檻俯空濛。置身已在塵埃外，絕藝多成坎壈中。會有千秋賞音者，莫從都市碎枯桐。

年華冉冉歎衰遲，自愧虛名爲世知。伏櫪本無千里足，殘機能有幾絢絲？應緣契分相期古，又恐丹青不入時。待約過從樓上坐，看君點筆我杯持。

鐙窗梧竹圖爲芭鄰方伯題并引

覃谿先生論詩，末云：『多少鐙窗梧竹響，欲憑舊雨爲傳神。』方伯繪圖，仍和二首。余亦次其韻。

高梧修竹蘇齋好，大隱不作由東鄰。只兩三行重遺墨，更幾百年有此人？雲煙過眼畫圖託，師友關心懷抱真。寒鐙清夜靜相對，贈答不勞形景神。

次山水樂韶護音，涪翁竹枝騷雅心。苦言能令少陵服，別派未覺江西深。文章有神得者少，梧竹如此人何任？傳衣夜半宗法在，莫向針師門賣針。

## 見月感逝四首

明月來青天，故人歸黃壚。不知黃壚下，有此明月無？青天誅宕宕，坐見日月徂（一）。既不觴詠共，曷不徂謝俱？悠然鑑清暉，塊獨成老夫。

王君十年長椒畦，顧生總角交<sup>竺生</sup>。先後得凶耗，睫淚栖不牢。開篋無近寄，久不得<sup>竺生</sup>訊，披圖有遠招。椒畦嘗以畫送還魏塘。益知筆墨貴，痛惜人琴遙。昨過滄浪亭，卅年停雙舫。余年二十許時，應考紫陽書院。每與<sup>竺生</sup>並泊舟滄浪亭，夜話達旦。

七鄉以畫名，一出揜前輩。人物尤擅長，新意得古態。可憐識真寡，但賞好眉黛。楞嚴二十五，相約同懺悔。他年徵諸責，邈矣龍華會。君許畫二十五圓通像而余爲書。

宿將思故國，老女憶舊歡。豈無末契託，誰與平生言？此月不常好，時復還其躔。凡我所知人，何時起九原？痛逝行自念，諒哉曹子桓。

### 【校記】

〔一〕『徂』，底本作『俎』，據許增本改。

題陶雲汀中丞澍吳淞放水詩畫卷

財賦東南重，江湖溝洫通。維賢籌國計，此水即民功。芰葑連雲地，玻瓈十頃風。歐蘇當日意，法外得陶公。

平當明禹貢，鄭國起秦渠（二）。豈比世言利，須知術用儒。濯龍上帝惜，叱犢下農趨。想像吾家閣，渺然見五湖。余舊有翦淞閣圖。

【校記】

（一）『秦』，底本作『蘇』，據許增本改。

奚囊拾句圖

王孫上天樂不苦，遺下斑斕一囊古。世間復有人苦吟，荒冢移殿來嘔心。語穿天根出月窟，咳唾如珠慎勿拾。吹噓枯樹生華風，一洗仙鬼芥蒂胸。玉谿不達東野窮，此論休信天隨翁。

題七薌畫冊十六首

暴秦毒四海，商顏亦秦地。云何此皓者，得共白雲戲？  
蟠桃非苜蓿，不能上林栽。茂陵秋風客，悵望金銀臺。  
雲流學水聲，水住雲亦住。牙曠久不作，那識此中趣？  
不可一日無，此語傳千秋。平生所交友，豈不此君疇？  
君爲松壺生，叔美，曾寫采鞠圖。君今已返真，渠尚留江湖。  
騎鯨去不還，青山埋醉骨。至今青天上，孤此一明月。  
新詩似六朝，好句在人口。記爲竹西遊，同醉官厨酒。  
水雲。  
如何剡谿路，雪夜回扁舟？  
子猷看竹。  
豈知列戟中，乃有歲星哉？  
方朔蟠桃。  
太息玉壺生七鄉，自號，官然刺船去。  
絃外

觀梅。  
免墨伯英池，不費鄭虔柿。蕭然晏坐身，定悟芭蕉是。  
性海製竹鑪，雅思掩流具。  
流傳盛題詠，一一名公賦。可惜舍人圖，流落竟何處？  
山中何所有，白雲如白煙。我知玉壺生，託意非偶然。  
歐齋修祀事，屑金畫東坡。  
杖頭挂大瓢，如唱哨遍歌。往事忽已過，諒哉春夢婆。  
笠屐。  
謂同客江都。重過小金山，因君一迴首。  
東閣

靈芬館詩續集 卷六  
九七七